

# O CHUAC RECIBIU O SELO DE CALIDADE EN INFORMACIÓN AO PACIENTE CON HEPATOCARCINOMA

A Unidade de Hepatología do **servizo de Dixestivo** do Complexo Hospitalario da Coruña recibiu o Selo de Calidade en Información ao Paciente con Hepatocarcinoma.

O selo de Calidade en Información ao Paciente con Cancro de Fígado é un distintivo desenvolto pola **Fundación de Ciencias do Medicamento e Produtos Sanitarios (Fundamed)** e a **Asociación Española para o Estudo do Fígado (AEEH)** que **acredita ás unidades de Hepatología de España que cumpren os maiores estándares de calidade en relación á información que recibe o paciente**. Este recoñecemento ademais, conta co apoio de Bayer e a colaboración da Alianza Xeral de Pacientes (AGP).

A través deste recoñecemento **distínguese a correcta prestación da asistencia sanitaria, onde se inclúe o deber de información e de documentación clínica por parte dos profesionais sanitarios**. A existencia dun Comité Multidisciplinar de Hepatocarcinoma, constituído por hepatólogos, cirurxiáns, radiólogos, oncólogos e anatomo-patólogos, garante que as decisións tomadas sexan transmitidas ao paciente e os seus familiares.

As características mínimas de calidade que debe reunir a información asistencial, que servirá para facilitar a toma de decisións por parte dos pacientes, son a veracidad, a comprensibilidade e tamén a adecuación da información á situación individual de cada un deles.

## Que é o hepatocarcinoma?

O carcinoma hepatocelular (CHC) é a neoplasia primaria hepática más frecuente. Constitúe o sexto tumor más habitual no mundo, con máis de 500.000 casos diagnosticados cada ano e é a cuarta causa más común de morte por cancro. No noso país ocupa o décimo lugar do global de cancros e é a séptima causa de morte por esta patoloxía.

O hepatocarcinoma afecta, de maneira case exclusiva, a pacientes con hepatopatía crónica que desenvolveron cirrosis, especialmente a relacionada cos virus da hepatite B e C. Nos últimos anos, asistese a un incremento notorio da incidencia nos pacientes afectos de esteatosis hepática metabólica (figado graxo) relacionada co sobrepeso - obesidade.

O diagnóstico en fases temperás permite instaurar tratamentos "curativos" como a resección ou o transplante. De aí a importancia dos programas de cribado mediante ecografía semestral nos enfermos cunha hepatopatía evolucionada.



Clasificación

Categorías:



## Enlaces relacionados

- Asturias, Galicia y Comunidad de Madrid avanzan en la calidad de la información al paciente con cáncer de hígado